

Vorpüntnis zwischem Babst / Kaiser
vnd den Venedigern.

Ernstliche Newe zeittung / So sich
zwischen Keiserlich vnd Königlichem
Maiestaten / dem Babst / Herrschafft
zu Venedig an einem / vnd ander teils
dem Turcken / zugetragen.

Auch wie der Türckisch Kayser Corfan bele
gert / vnd was vn menschlicher vn tyrannisch
er thaten er an den Christen begangen hat.

1 5 3 7.



Faint, illegible text, likely bleed-through from the reverse side of the page. The text is arranged in several paragraphs and includes a circular stamp or seal in the lower half of the page.



Aus Venedig geschriben / den
xxj Septembris. 1537.



Nwe mähr / so den Türckischen Kayser
vnd die Venediger betreffen sint / ist zei-
tung an vns gelanget / wie er mit viert-
zig thausent fußknechten / vnd dreyhun-
dert Schiffen / selbs personlich für die
Stat Corfun (im Meer gelegen) komen
vnd alda wol zwentzig tausent menschen ob dem land
semerlich erschlagen / vnd hinwegt führen hat lassen.
Ober solchs die Stadt darnach auch starck belegere /
Wiewol zeitung kohnen ist / er hab drey sturm dafür
nicht on schaden verloren.

Nachdem vñ solchs Kaiserlicher Matestat Botschafft zu Venedig erfahren / ist sie für die Herrschafft kohnen / auch vnter andern anschlegen die gantze Armada / so Kay. May. zugehörig ist / vnd zwentzig tausent knecht darzu / inen zuzugeben bewilliget. Auff solchs habē sich in irem Rath Pregay / nit kleine zwispalt in den sententzen vñ meinungen ires itzlichen anhangs halben erhebt / Dann jr etlich gewölt vnd vermeint haben / man solte sich mit dem Türcken / es were in was gestalt es wolt / vertragen / vnd mit yhm frid machen. Derwider etlich das man dem Tyrannen vnd feynde des Christlichen namens ein widerstandt thun / vnd sich mit ernst zur gegenwehr stellen soll.

Ober solchs auff den xv. tag Septembris / ist die Herrschafft vier stund in die nacht zu Rath gesessen /
ij vnd

vñ krefftiglich entschlossen / den Türcken mit götlicher
hilff / nach gestalt verschuldter sach / zu straffen. Dar
auff sich auch Kaiserliche vñ Königliche Mayestaten /
auch der Babst vñ die Venediger dermassen mit einan
der vereinigt / das nit kleine hoffnüg darinnen erscheint
dann Kayserliche Mayestat wirt sechtzig Galeen / sech
tzig Tauen / vier Barze / vnd funffzehen thousand man
geben. Die Venediger hundert subtil Galeen / vñ zehen
groß / item zehen Tawe / vier Barze / zwentzig tausent
man Kriegsvolcks. Der Babst gibt all Monat ach
tzig tausent Ducaten / Vnd vier Galeen.

Solches zugs rüstung ist nun alle schon vorhan
den / darüber Signor Andre Doria obrister Haupt
man vnd General sein wirt / welchen sie Iheronimum
von Besaro / ein namhafftten vnd wolgebornen Vene
dischen Edelman / hochs vnd gross vorstandts / auff
der Venediger seyten zu ein General zugeben / mit be
uelch den Türcken auff das gewaltigest / so es gesein
mag / anzugreyffen.

Es werden auch vil Welscher Fürsten in dise ver
bündtnis kohnen (als do schon darinnen ist der Her
zog von Ferrer / vnd auch der von Mantua) also das
man achten wil / der Türck werde mit grosser macht
an vil orten angegriffen / vnd als man hofft / er soll zu
Constantinopel nit sicher sein. Etlich vermeynen / Sig
nor Andre Doria den nechsten auff Constantinopel zu
ziehen. Man versicht sich auch es werd Römischer Kö
niglicher Mayestat gelt zugeschickt / damit er auch ver
melten Türcken in Ungern mit starck gewehrter hand
angreiffe. Vnd so solchs mit ernst wirt fürgenomen /
verhofft man / die Reichs Stende von Fürsten vñ Stet
ten

ten/würden nit die letzten sein/auch hilffzuschicken.
Damit durch jr hilff/dem Türcken mit sonil grosser
macht ein widerstandt gethan möcht werden. Gott
verleyhe vns den sieg.

Die Herrschafft zu Venedig thut prouision vnd
volck zu zurüsten/auch gelt zumachen/vnd sich in al-
len sachen mit höchstem fleys fürzusehen. Der Türck
aber ist noch zu Corfun/belegert vñ bescheust die stat
gewaltiglich/wiewol er noch nichts ausgericht hat/
dann zwey Schloß darbey auff ein berg gelegen/die
weeren sich mánlich/dañ sie funffzehen hundert büch-
sen bey inen haben/vor welchem schiffen der Türck ni-
chts außrichten kan/derhalben er tag vnd nacht ar-
beytet/die Stat vnd Schloß mit zymmer vnd ander-
rüstung zuüberhöhen/Aber in hoffnung zu Got/man
werde in ehe zeyt alda mit seinem schaden heimsuchen
vnd die Statt vor yhm erretten.

Der Türck ligt selbst in eygner person vor Corfun
wo man aber die schätz vbersehe/das er das Schloß
erobert/wer es zubeforgen/yhm wurde hart mehr ein
widerstandt gethan/möcht alle augenplick seiner gele-
genheit vnd gefallens in Apulia/ins Königreich Ne-
apolis/vñ in die Insel Cypro faren/also das man gar
nahent an kein ort vor ihm sicher were. Wan besorget
sich grosser widerwertikeit in einer kurtz/Gott der all-
mechtig schickts zum besten.

Weytter so ist solche verbündnus dem König von
Francreich grösslich zuwider/vnd hat sich sein bot-
schafft auff das höchst gewaltiglich vnderstanden/
die vñ Venedig an solchem fürnemen wendig zumach
ij en/

en/vnd sme anzuhangen/mit disem fürhalten/Wo sie
mit dem König von Franckreich in ein bündtnus vnd
vereinigung tretten / sol der König machen / das der
Türck on allen verzug abziehe. Wer es aber sach / das
er die Stat schon gewonnen vñ eingenomen het / das
sie jnen wider zugestelt / darzu auch alle Monat drey
mal hundert tausent Ducaten werd gegeben / vñ were
jnen ein schad zu Corfun / oder anderswo / von dem
Türcken vmb ein Ducaten zugefügt / sollen jnen alwe
gen zwen dafür widerlegt werdē / mit vil andern gros
sen zusagen. Vnd das die sach also gewisz were / hat er
zum pfandt on verzug zwo Milion golt erlegen wöllen
Vnd wo sie in solchen vertrag eingehen wolten / ein
Milion golts darzu schencken / Welches alles keinen
fürgang gehabt / sonder zurück gestelt worden ist / daß
sie gestern vmb vier vr in yhrem Rath gewelet haben /
darbey zweyhundert vnd dreyszig man gewesen / vnder
welchen die zwen vnd zwentzig einige walen nit geben
haben wöllen / auch nur drey walen mit dem König
von Franckreich / der rest aller mit Kayserlicher Waye
stat gewesen.

Wirt auch gesagt / der Türck hab vor dreywochs
en in der gantzen Türckey außgeschickt vnd befelh ge
ben / alle Kaufflewte vnd Christen gefenglich anzun
men mitsampt all jren gütern / auch die drey Galeen
von Alexandria / welche wol bey dreyhunderttausent
Ducaten vnd darob haben. Darumb es zubeforgen /
sie seyen schon all erschlagen / oder gefangen / der all
mechtig ewig Gott wöll sie vnd all ander from Chri
sten vor solcher Tyranny beschützen vnd beschirmen.
Dañ solt er die Galeen von Alexandria gefangen oder
erwüschē / was armer lewt würde er gemacht haben
Dann

Dann es ist zubeforgen / yhr viel werden noch in einer
Lürtz fallirt vnd conturbirt werden / da Gott yeden für
schaden behütten wöll.

Vor acht tagen haben sich bey zwentzig Jüden
heimlich von hinnen gemacht / vnd hundert thausene
Ducaten mit ynen weg gefürt / denen man mit grosser
eyl nachgeschickt / der hoffnung / sie zuerlangen / Wo
solchs beschech / wurd man sie mit dem gut auff eyn
fürsorg wol behalten.

Es sol auch Misser Iheronymus von Besaro ele
nen jungen Strotzi gefangen haben / der vom Türck
en kömen / auch brieff an König vñ Francckreich vom
Türcken gebracht hat / welche der General geöffnet /
auch vberlesen / vnd dem König mitsampt den briefen
(darinn er guten bescheyd vernohmen) zuziehen hat
lassen.

So hat auch der Türck der wüterich den Sunff
Sora Comadi / oder Hauptleuten vber fünff Galeen
so er vor etlichen wochen gefangen / die hels absegen
lassen / mit vil andern grossen martern / Gott der ge
recht richter wöls nit vngerochen lassen.

Item so ist auff den xv. dito auch zeitung komen /
wie Margeso Del Questo dem König vñ Francckreich
den Capitaneo Fregosso hab gefangē / auch Signor
Bartholomeo sun vmbbracht / vnd vil volcks erschla
gen sey worden / also das solchs Kay. May. ein guts
zeychen / vnd nicht kleine fürdernüs zum Siege (als
wir verhoffen vnd Gott bitten) geben wirt / der hoff
nung Thurin bald wider zuerobern / das verleyhe Got
mit glück.

19/ Von Aringe wider den Turken.
M. Luffus. Wittenberg 1542. S. 10. l. 10.

20/ Das Evangelium Pauli Galat. 1. Auslegung
v. M. Luffus. Wittenberg 1538. B. 1. 1. 1.


21/ Das Buch der alttestamentlichen Propheten
Hesekiel. Wittenberg 1536. S. 10. l. 10.

22/ Donatio Constantini wunderbarlich durch
Luffus. Wittenberg 1537. S. 10. l. 10.

23/ Bericht aus Juliano Schrift, von der
Tafel in Jerusalem das Buch
in Hebr. v. der Prediger zu
Straßburg. M. Luffus. 1534.
Straßburg. Ap. 1. 1. 1.

156 Von Jesu Christo von Predigt. M.
Luffus. Wittenberg 1553. S. 10. l. 10.





Vorpiintnis zwischem Babst / Kaiser
vnd den Venedigern.

Ernstliche Newe zeittung / So sich
zwischen Keiserlich vnd Königlichem
Majestaten / dem Babst / Herrschafft
zu Venedig an einem / vnd ander teils
dem Turcken / zugetragen.

Auch wie der Türckisch Kayser Corfun bele
gert / vnd was vnmenschlicher vñ tyrannisch
er thaten er an den Christen begangen hat.

1537.

